



Nkhskt. Angie Motshekga, iNdvuna yeMfundvo yeSisekelo.



UMnu Enver Surty, Liphini leNdvuna yeMfundvo yeSisekelo.

Letincwadzi tekusebentela tikhicitelwe bantfwana baseNingizimu Afrika ngekuholwa yiNdvuna yeTemfundvo yeSisekelo, Nkhskt Angie Motshekga akanye neLiphini lakhe uMnu Enver Surty.

LeTincwadzi Tekusebentela takaRainbow tiyincenye yemitamo yaleLitiko leTemfundvo yeSisekelo yekutfufukisa bafundzi baseNingizimu Afrika emabangeni ekucala lasitfupha ekufundza. Njengalomunye wemigomo lehamba embili eLuhlelweni lweKusebenta lwaHulumende, lomsebenti ukhokhelwe ngesihle Silulu seTimali saVelonkhe. Ngenca yalokusekelwa ngetimali, leLitiko leTemfundvo liphumelele kwakha letincwadzi ngato tonkhe letilwimi letisemtsetfweni kulelive.

Siyetsemba kutsi bothishela batatitfola tilusito kakhulu letincwadzi tekusebentela basafundzisa malanga onkhe kute bafundzi bakhone kucedza luhlelo lwabo lwekufundza. Setame, ngekuophelela lokukhulu, kusita thishela kuleyo naleyo ncenye yemsebenti, ngekusebentisa timphawu letitifombe kukhombisa umfundzi loko lokumele akwente.

Siyetsemba bantfwana nabo batakujabulela kusebentisa letincwadzi basachubeka nekukhula nekufundza; nekutsi bothishela batawutfokota kanye nabo.

Sifisela bothishela nebafundzi imphumelelo basachubeka nekusebentisa letincwadzi tekusebentela.

Tincwadzi letitfolakala kulelimfomfo:

- Lulwimi Lwekucala Lolwengetiwe Emabanga 1 – 3 (Ngato tonkhe tilwimi letisemtsetfweni)
- Lulwimi Lwekucala Lolwengetiwe Emabanga 4 – 6 (NgesiNgesi)
- Lulwimi Lwasekhaya Emabanga 1 – 6 (Ngato tonkhe tilwimi letisemtsetfweni)
- Tibalo Emabanga 1 – 3 (Ngato tonkhe tilwimi letisemtsetfweni)
- Tibalo Emabanga 4 – 9 (NgesiNgesi nesiBhunu)
- Emakhono eMphilo Emabanga 1 – 3 (Ngato tonkhe tilwimi letisemtsetfweni)

Kubuyeketiwe futsi kwahlelenjiswa ngekwema-CAPS

Libanga

2



Emakhono eMphilo
SISWATI
Incwadzi 1
Emathemu 1 & 2



Ligama:

Liklasi:

ISBN 978-1-4315-0260-8



LIFE SKILLS IN SISWATI
GRADE 2 – BOOK 1
TERMS 1 & 2
ISBN 978-1-4315-0260-8

THIS BOOK MAY
NOT BE SOLD.



basic education
Department:
Basic Education
REPUBLIC OF SOUTH AFRICA



Lokucuketfwe

Ithemu 1	likhasi
1 Sidzinga kudla lokunemphilo kuphila.....	2
2 Emanti asinika imphilo.....	4
3 Songa emanti.....	6
4 Umoya lohlobile usinika emandla.....	8
5 Umngani lomkhulu lingunaphakadze.....	10
6 Bantfu lesiphila nabo.....	12
7 Akuphele kuchwachwata.....	14
8 Sonkhe sinekukhetseka nekwehluka.....	16
9 Sitiva kanje.....	18
10 Bantfu labakhubatekile.....	20
11 Bonkhe bantfwana bakhetskile.....	22
12 Lichawe lami.....	24
13 Kuhlanta emanti.....	26
14 Indlela-mphilo lephilile.....	28
15 Tidlo letisheshe tonakale naletephutako.....	30
16 Emalanga eNkholelo nalamanye lakhetskile.....	32

Ithemu 2	likhasi
17 Imikhakha yemnyaka.....	34
18 Imikhakha lemene.....	36
19 Ngemikhakha yemnyaka.....	38
20 Kwembatsela simo selitulu.....	40
21 Umtselela wemikhakha yemnyaka.....	42
22 Kutjala sihlahla selibhontjisi.....	44
23 Tilwane telipulazi.....	46
24 Epulazini.....	48
25 Tilwane tasendle.....	50
26 Tibhaca kanjani tilwane.....	52
27 Tilwane temanti.....	54
28 Tidalwa tasemajukujukwini.....	55
29 Buciko betilwane.....	56
30 Tilwane letetfwala emakhaya ato nomaphi.....	58
31 Tilwane letitakhela tindlu.....	60
32 Sichazamagama sami.....	62

Tinsuku letimcoka nga - 2015

Bhimbidwane

- 1 Bhimbidwane Lusuku IwaNcibijane 🇿🇦
- 31 Bhimbidwane Lusuku IweBantfwana labaLala-phandle 🌍

iNdlovana

- 2 iNdlovana Lusuku Iwemhlaba IweMatete 🌍
- 14 iNdlovana Lusuku IweMkhrestu Valentino 🌍

Mabasa

- 3 Mabasa Lwesihlanu wePhasika 🇿🇦
- 4-11 Mabasa yiPhasika 🇸🇦
- 5 Mabasa Lisontfo lePhasika 🇿🇦
- 6 Mabasa Lusuku Lwemndeni 🇿🇦
- 7 Mabasa Lusuku IwaMhlaba IweTemphilo 🌍
- 22 Mabasa Lusuku IwaMhlabawonkhe IwaMake Mhlaba 🌍
- 27 Mabasa Lusuku IweNkhululeko 🇿🇦

iNkhwekhweti

- 1 iNkhwekhweti Lusuku IweBasebenti 🇿🇦
- 10 iNkhwekhweti Lusuku IweBoMake 🇿🇦
- 15 iNkhwekhweti Lusuku IwaMhlabawonkhe IweMindenani 🌍

Kholwane

- 17 Kholwane yi-Eid-UI-Fitr (kuphela kweRamadani) 🌙
- 18 Kholwane Lusuku IwaMhlabawonkhe IweNelson Mandela 🌍
- 30 Kholwane Lusuku IwaMhlabawonkhe IweBungani 🌍

iNgcgi

- 9 iNgcgi Lusuku IweBafati 🇿🇦
- 13 iNgcgi Lusuku IwaMhlabawonkhe IweTancele 🌍

iMphala

- 2 iMphala Lusuku IwaMhlabawonkhe Iwekungabi baBudlova 🌍
- 5 iMphala Lusuku IwaBothishela 🌍
- 11 iMphala Lusuku IwaMhlabawonkhe IweMantfomatana 🌍
- 14 iMphala i-Al-Hijira (Ncibijane wesiMozilemu) 🌙
- 15 iMphala Lusuku IwaMhlabawonkhe IweBafati beMaphandleni 🌍
- 16 iMphala Lusuku IweMhlaba IweKudla 🌍

Lweti

- 11 Lweti iDeepavali (iDiwali) 🌍
- 12 Lweti iVikram (Ncibijane we-2072) 🌙
- 20 Lweti Lusuku IweMhlabajikelele IweBantfwana 🌍

iNdlovulenkulu

- 5 iNdlovulenkulu iPhurimi 🇸🇦
- 21 iNdlovulenkulu Lusuku IweMalungelo eLuntfu 🇿🇦
- 21 iNdlovulenkulu Lusuku IwaMhlabawonkhe IweMahlatsi neTihlahla 🌍
- 20-21 iNdlovulenkulu iNaw-Rúz (Ncibijane wesiBhahá'i) 🌙
- 22 iNdlovulenkulu Lusuku IwaMhlaba IweManti 🌍
- 28 iNdlovulenkulu 20:30-21:30 (sikhatsi sendzawo) Lihora leMhlaba 🌍

iNhlaba

- 1 iNhlaba Lusuku IweMhlaba IweBatali 🌍
- 4 iNhlaba Lusuku IwaMhlabawonkhe IweBantfwana labaLahlekile 🌍
- 5 iNhlaba Lusuku IweMhlaba IweNdalo 🌍
- 8 iNhlaba Lusuku IweMhlaba IweTilwandle 🌍
- 12 iNhlaba Lusuku IweMhlaba Lwekulwa neKusetjentiswa kweBantfwana 🌍
- 16 iNhlaba Lusuku IwaLabasha 🇿🇦
- 18 iNhlaba iRamadani (iyacala) 🌙
- 21 iNhlaba Lusuku IwaboBabe 🇿🇦

iNyoni

- 13-15 iNyoni iRosh Hashanah 🌙
- 21 iNyoni Lusuku IwaMhlabawonkhe IweKuthula 🌍
- 23 iMphala yiYom Kippur 🌙
- 24 iNyoni Lusuku IwaMagugu 🇿🇦

iNgongoni

- 1 iNgongoni Lusuku IweMhlaba Iwe-AIDS 🌍
- 3 iNgongoni Lusuku IwaMhlabawonkhe IwaLabakhubatekile 🌍
- 5-14 iNgongoni iChanukah 🌙
- 16 iNgongoni Lusuku IweKubuyisana 🇿🇦
- 25 iNgongoni Lusuku IwaKhisimisi 🇿🇦
- 26 iNgongoni Lusuku IweMoyalomuhle 🇿🇦

Liholide Lesive leNingizimu Afrika: 🇿🇦

Lusuku Lolumcoka Lwesikhumbuto sebuJuda: 🇸🇦

Lusuku Lolumcoka Lwesikhumbuto sebuMozilemu: 🌙

Lusuku Lolumcoka Lwesikhumbuto sebuBhahayi: 🌙

Tinsuku Temhlabawonkhe takaMhlabuhlangene: 🌍



Published by the Department of Basic Education
222 Struben Street
Pretoria
South Africa
© Department of Basic Education
Sixth edition 2016

ISBN 978-1-4315-0260-8


This book may not be sold.

The Department of Basic Education has made every effort to trace copyright holders but if any have been inadvertently overlooked the Department will be pleased to make the necessary arrangements at the first opportunity.



Libanga

2



Emakhono eMphilo
SISWATI
Incwadzi I



Lencwadzi ya:



Sidzinga kudla lokunemphilo kute siphile



Asifundze

Imitimba yetfu idzinga kudla lokunemphilo khona sitowukhula. Sifute kudla kudla lokuphuma esekweni ngalinye lekudla malanga onkhe. Sidzinga kudla kudla lokunemphilo khona sitoba nemandla lakenele kwenta konkhe lesifanele sikwente. Uma singadli kudla lokunemphilo, singahle sigule kakhulu.

Emaseko lasihlanu ekudla

Tinhlavu
nemikhicito
yato

Tibhidvo netitselo

Labanye banfubanidli-tibhidvo.

Loku kusho kutsi abayidli inyama noma ngabe yaluphi luhlobo. Ikakhulu kudla kwabo kubuya emasekweni lama-4 ekudla.

Inyama,
inhlanti, inkhukhu,
emantongomane
nemabhontjisi

Emanoni nemafutsa

Imikhicito
yelubisi



Emanti asinika imphilo

Asikhulume

Kungani sidzinga emanti?
Bantfu, tilimo netilwane
kudzinga emanti kuhlala
kuphilile. Emanti atfwala kudla
lesikudlako kuye etindzaweni
letehlukene temitimba yetfu.
Abuye asite imitimba yetfu
kukhukhula kungcola.






Asente loku

Malanga onkhe sisebentisa emanti emakhaya etfu. Cocela umngani wakho ngato tonkhe tintfo longaticabanga lesisebentisa emanti kuto. Ubese udvweba titfombe leti-4 kukhombisa kutsi siwasebentisa kanjani emanti. Bhala umbhalo-nchazelo ngenhla kwesitfombe ngasinye uchaze kutsi singani sitfombe.




Asibhale

Siwatfolaphi emanti? Dvweba umugca kuchumanisa ligama ngalinye nesitfombe lesifanele.



lidamu
siphehlamanti
umfula
lichibi
siyalu sekukha



Phuma

Embi kwekutsi wente noma ngumuphi umshukumo wemtimba ngaphandle, cale utelule njengelikati. Loku kutakwenta kube lula kutsi umtimba wakho unyakate. Phindza utenwebe emva kwemshukumo kuphotisa umtimba uthulele. Loku kutakusita kutsi unghlaselwa buhlungu bemisipha.

- Zuba njengesicoco. Yenta umsindvo welicoco.
- Jikelanani ibhola noma sikhwanyana. Yigendze/sigendze.
- Nyalo-ke jika ibhola noma sikhwanyana etulu bese uyakugendza.
- Tfwala uyekelele sikhwanyana enhloko yakho bese nicudzelana ngekushakutela nemngani wakho. Bona kutsi ungasigcina sikhatsi lesinganani lesikhwama singakawi.



Teacher: _____
 Sign: _____
 Date: _____

Songa emanti

Asikhulume

Emanti aligugu kakhulu, ngako-ke kufute singawasaphati nje. Coca nemngani wakho ngetindlela letehlukene lesingonga ngato emanti.



Asibhale

Bhala phansi imibono lemibili yekonga emanti kuletikhala letilandzelako.

1.

2.

Asente loku

Sebentisa emakhilayoni akho kwakha iphosita yemibalabala ngekonga emanti. Iphosita yakho kufute ikhutsate labanye konga emanti. Nase uyentile iphosita yakho, yikhombise bangani bakho.






Munye wenu kufute abe yimphisi.

Niketanani ematfuba kubuta kutsi "Sikhatsini, Mnu. Mphisi?"

Njalo nawubuta, imphisi kufute isho kutsi ngubani sikhatsi.

Kodwa, uma imphisi itsi "sikhatsi sekudla!", itawusuka ikucoshe. Kufute ubaleke isengakakubambi.



Nyalo-ke tfolani lokusamgibe kwekudlala.

Ninemngani wakho kufute niniketane ematfuba kuhamba nitfumbeletele kuletikhala talelihibe

Tfumbeletela kulelihibe, ngetinyawo takho ekucaleni.

Ubese-ke uhamba ngetandla takho.

Ubese ubamba lelihibe lime mpo umngani wakho asakhasa atfumbeletela kulo. Niketanani ematfuba kwenta loku.



Kwekugcina, ngemacemu aba-4 ticeesheni bese netfula umdanso waseNingizimu Afrika.

Teacher: _____
Sign: _____
Date: _____

Umoya lohlobile usinika emandla



Asifundze

Umoya lesiwuhogelako une-oksejini. Loku kusita imitimba yetfu kutsi isebentise kudla lesikudlako. Sibese sitfola emandla ekuphila. Uma sihogela umoya longcolile, imitimba yetfu ayikhoni kusebenta kahle.



Asibhale

Hlala nebangani bakho. Ninonkhe, gcwalisani letikhala letingentasi:

Ngidzinga umoya lohlobile ngoba _____

Uma umoya ungcilile _____

Umoya ungciliseka uma _____

Lesingakwenta kugcina umoya uhlobile:

1. _____

2. _____



Asifundze

Bantfu badzinga lilanga kute bajabule futsi babe nemphilo. Bantfu badzinga lilanga kuhlala baphilile. Lisita imitimba yetfu kutsi yakhe Vithamini D. Siyawadzinga lamavithamini kwakha ematsambo lacinile. Kushisa kakhulu kungaba kubi nako. Siyasha sikhumba sibe buhlungu. Ubosebentisa sivikela-linga kuvikela sikhumba sakho elangeni.



Asibhale

Gcwalisa letikhala ngentasi.

Ngingaphepha elangeni lelishisa kakhulu uma ngi:

1. _____
2. _____
3. _____



Asivume ingoma

Hlabela lengoma bese uyabetsela ulandzele sigi.

**Wen'ukukhanya
Kwami kwelilanga
Uyangijabulisa
Malisibekele.
Angeke sew'kholwe,
Ngikutsandza kangaka.
Ungangemuki
Kukhanya kwami.**



Ubosebentisa sivikela-linga kuvikela sikhumba sakho elangeni.



Teacher: _____
Sign: _____
Date: _____





Umngani lomkhulu lingunaphakadze

Ithemu 1 – Liviki 3 – Lishadi lekusebentela



Asikhulume

Sonkhe sitsandza kuba nebangani labahle. Wati kanjani uma umuntfu angumngani lomuhle?



Asibhale

Kulesikhala lesi ngentasi, yakha luhla lwetintfo letenta umuntfu abe ngumngani lomuhle.

1.

2.

3.

4.



Asibhale

Cabanga ngalemibuto bese ubhala phansi timphendvulo takho.

Bangakhi bangani lonabo?

Litsini ligama lamunye webangani bakho labakhulu?

Sesidze kangakanani sikhatsi nibangani?

Yini lekhethsekile ngalomngani wakho?



Asikhulume

Hlala nemngani wakho bese nicoca ngalemisho. Faka (✓) ebhokisini uma kuliciniso, ufake siphambano (✗) uma kungasilo liciniso.

Luhla-sicinisekiso lwebungani

Faka ✓ noma ✗

Umngani wami uyangikhatsalela.	
Umngani wami uyangisita.	
Umngani wami wabelana nami.	
Umngani wami akalwi nami.	



Asente loku

Cabanga ngentfo lengenta umngani wakho ative akhetsekile. Ubese udvweba sitfombe sayo kulesibaya-sitfombe. Khumbula kuhlobisa kahle umphetfo-sitfombe. Nase ukwentile loku, coca ngemibala lepholile nalewotawotako loyisebentise esitfombeni sakho.



Asibhale

Bhala imisho lemi-2 ngesitfombe sakho.

Teacher: _____



Sign: _____

Date: _____

Bantfu lesiphila nabo

Asikhulume

Bukani letitfombe. Cabangani ngalokwentiwa bangani labahle, nibese nikhuluma ngako ecejini lakho. Nyalo-ke cabanga ngalokwentiwa bangani lababi. Faka (✓) esitfombeni ngasinye lesikhombisa bungani lobuhle, ufake siphambano (✗) kuleto letikhombisa bungani lobubi.













Ithemu 1 – Liviki 3 – Lishadi lekusebentela



Asifundze

Fundza umusho ngamunye ubese ufaka umbala kuBuso Yebo 😊 noma kuBuso Cha ☹️.



<p>Ngingumngani lomuhle.</p> 		
<p>Ngiyabakhatsalela bangani bami.</p>		
<p>Nginebubele kulenginabo ekilasini.</p>		
<p>Lenginabo ekilasini banebubele kimi.</p>		
<p>Nginenhlonipho kubantfu labasedvute nami.</p> 		



Asinyakate

Asidlale "Mani esitfuntini sami".

Wena nebangani bakho kufute netame kunyatsela titfunti tenu lomunye nalomunye. Niketanani ematfuba kubona kutsi tingaki titfunti wena longatinyatsela. Wena ungetama kuloku uvimbela umngani wakho kuma esitfuntini sakho.




Teacher: _____
 Sign: _____
 Date: _____

Akuphele kuchwachwata

Asibhale

Buka sitfombe ngasinye.

Yini lobewungayenta kube bewungumntfwana lohlushwa tidlova tikuchwachwata? Madvute nesitfombe ngasinye, bhala umusho munye ngekutsi kufute sibaphatse njani labanye bantfu.



Four sets of horizontal blue lines for writing answers.



Asente loku

Yakha silinganiso semdlalo nemngani wakho ngemntfwana lochwachwata lomunye umntfwana. Ubese uyasho kutsi singentani kuvikela kuchwachwata.




Phuma

Tihleleni nibe ngemacembu la-5.

Yakhani umugca nengcise ibhola kwehla ngemugca. Bonani kutsi nguliphi licembu lelikhonako kwendlulisela ibhola kufika ekugcineni kwemugca kucala. Uma senikwentile loko, yetamani kwendlulisa ibhola iye etindzaweni letehlukene:

- Yendlulisa ibhola emkhatsini wemilente yakho iye kumfundzi losemvakwakho.
- Yendlulisa ibhola ngetulu kwenhloko yakho iye kumfundzi losemvakwakho.
- Yendlulisa ibhola ngesancele sakho iye kumfundzi losemvakwakho.
- Yendlulisa ibhola ngesekudla sakho iye kumfundzi losemvakwakho.
- Nyalo-ke jikelanani ibhola nibone kutsi ningayigenca kangakhi.



Sonkhe sinekukhetseka nekwehluka



Asikhulume

Buka letitfombe ubese uyasho kutsi labantfwana ngamunye bafana ngani. Shano nekutsi behlukene ngani.





Asifundze

Yentani lomsebenzi lolandzelako ecejini. Buka bonkhe labanye bantfwana eklasini lakho. Ubese ufundza umusho ngamunye kulandzelako. Uma umusho uliciniso, faka (✓) ebhokisini ngesekudla, kantsi uma umusho ungesilo liciniso, faka siphambano (✗).

	Faka ✓ noma ✗
Ngabe bafana nemantfombatana babukeka ngekufana?	
Ngabe bonkhe banembala wetinwele lofanako?	
Ngabe bonkhe banembala wemehlo lofanako?	
Ngabe bonkhe banetandla letilinganako yini?	
Ngabe bonkhe bafundzi badze lokulinganako yini?	



Asikhulume

Uyabona nje kutsi sonkhe sehlukeno? Futsi uyabona yini kutsi siphindze sifane sonkhe? Cocani ngetindlela lesifanana ngato.





Asidwebe

Dvweba sitfombe sakho. Ubese usebentisa sipenda-mlomo kwakha imigca-munwe yakho yelikhetselo madvute nesitfombe-sibaya.



Bewati-nje kutsi kute namunye umunfu emhlabeni lonemigca-munwe yakho? Wena ukhetsekile futsi wehlukile!



Sitiva kanje

Cocisanani nodwa nichazelane kutsi nitiva kanjani uma lokuhle kwenteka kini. Nyalo-ke cocisanani ngekutsi nitiva njani uma lokubi kunehlela. Loku lesikuvako sitsi yimiva. Gcwalisa kutsi bativa njani emabhokisini.

Asikhulume









Asibhale


Bhala timphendvulo talemisho lengentasi.

Yini lekwenta wetsabe?

Yini lekwenta udzangale?


Yini lekwenta wesabe?

Yini lekwenta ujabule?



Asente loku

Dvweba ufake umbala kuloluchunge lwebungani. Yetama kwakha umdoli ngamunye abukeke ehluKile, kukhombisa kutsi sonkhe sehlukile kantsi sikhethsekile. Nase ukwentile loko chubeka usika kahle titfombe teluchunge lwebungani ekhasini lelisemkhatsini nalencwadzi. Yakha mdoli ngamunye ehluke kulabanye bese ummisa edesikini lakho njengesikhumbuto kutsi sonkhe sehlukahlukene.



Phuma

Yenta umtimba wakho ube mkhulu kakhulu. Ubese wetama kwenta umtimba wakho ube mncane kakhulu. Nyalo-ke yetama kuwenta ube mudze kakhulu. Kwekugcina yetama kuwenta ube mfisha kakhulu.



Teacher: _____
 Sign: _____
 Date: _____

10 Bantfu labakhubatekile



Asikhulume

Buka letitfombe.

- Tinhlobo tini letehlukene tekukhubateka lotibonako?
- Ngabe umntwana ngamunye kulaba usebentisa ini kutisita?
- Wena ucabanga kutsi tinkinga tini labantwana lababa nato malanga onkhe etimphilweni tabo?
- Cocani ngekutsi singabasita kanjani.



Asibhale

Buka letitfombe ngentasi.
Cedzela lemisho.

Rosemary akakhoni kuhamba.

Usebentisa _____
kuhamba-hamba.



situlo-ncola

Thabo akaboni manje usebentisa

kutfola lapho aya khona.

inja lesitako




lithuluzi lekuva



Peter akeva.

Usebentisa _____

kumsita kuva.



lulwimi-timphawu



Jabu akakhoni kukhuluma.

Usebentisa _____

kuchumana nebantfu.

Nomsa usebentisa

_____ kumsita kuhamba.



emabhoko



Asente loku

Sebentisa lubumba noma inhlama
yekudlala kubumba ivasi noma inkomishi.



Bonkhe bantfwana bakhhetsekile

Asikhulume

Behluke ngani kuwe laba bantfwana? Bafana ngani nawe?



Asifundze

Bantfu mhlaba wonkhe bagubha tinsuku letikhhetsekile temaholide.

Sonkhe sitsandza kudlala sihlabele.

Sonkhe sidzinga kudla.

Sonkhe kufute siye esikolweni.

Uma sigula, sonkhe sidzinga kuya kudokotela.

Sonkhe kufute sihlobe sibe nebunaka.

Akukafaneli sitfole ematoho sisebente.

Sonkhe sisebantfwana.






Asibhale

Buta bangani laba-3 lemibuto. Gcwalisa timphendvulo tabo kuletikhala ngentasi.

Gcwalisa ligama lakho nelemngani wakho.			
Iyini inkholelo yakho?			
Ngimiphi imigubho lebalulekile loba nayo?			
Nidla ini ngalolosuku?			
Luhlobo luni lwekwembatsa lokukhetsekile lolugcokako?			
Nilugubha nabobani lolusuku?			



Asente loku

Ase ubuke sitfombe ngasinye. Libalave lemhlaba wetfu. Uyabona nawe kutsi umhlaba wetfu unemhlabatsi nelwandle. Faka umbala lolingangane elwandle. Faka umbala lobubendze emhlabeni. Dvweba tinhlanti letimbalwa elwandle.



Teacher: _____
 Sign: _____
 Date: _____



Lichawe lami



Asikhulume

Cocani ngekutsi ngabe bakhona yini bantfwana labakhubatekile esikolweni sakho.

Yini lengentiwa sikolo kubasita basesesikolweni? Ngabe bantfu labakhubatekile bangaba bomphetsa?



Asifundze

Lamanye emachawe anakhubateka. Abalandzelwa betfu lesibakhontile. ENingizimu Afrika, banyenti bomphetsa betemdlalo labakhubatekile. Kukhona yini lobatiko labakhubatekile lababomphetsa emidlalweni?



Natalie du Toit walahlekelwa yincenye yemlente wakhe wangesancele engotini yesidududu. Uhamba ngemlente wekufakwa kodvwa ubhukusha asebentisa munye vo, umlente.



Asikhulume

Cocani ngebantfu labakhubatekile kodvwa labenta tintfo letisimanga. Cabangani ngaloku:

- Bantfu labangaboni badlala tinsimbi tekushaya ingoma. Ngabe kukhona lomatiko nje?
- Bantfu labangeva babhala tingoma. Unganiketa sibonelo nje?





Asibhale

Kulesikhala ngentasi, niketa imininingwane ngelichawe lakho noma umlandzelwa.

Lichawe noma umlandzelwa wami ngu:

Dvweba sitfombe selichawe noma umlandzelwa wakho. Bhala emagama eceleni kwesitfombe sakho lachazalomuntfu. Tibonelo unemusa, uyasitana, unesibindzi, uyatsandzana.

Ungaba lichawe njani? Cocisana nemngani wakho ngemibono lonayo. Nyalo-ke bhala indzaba lapho khona uba lichawe. Cwwalisa lapha ngenatsi:

Ngalelinye lilanga nga

Ngabese ngincuma ku

Ngabese

Kanjalo ngagcina sengilichawe.



Kuhlanta emanti

Asifundze

Ase ubuke ingilazi yemanti.

Kukhona nje lokubonako ekhatsi kuyo?

Cha, awukhoni. Kodvwa bewati-nje kutsi ngaletinye tikhatsi kuba nemagciwane emantini? Lamagciwane mancane kakhulu akabonakali nje ngeliso lenyama. Uma unganatsa emanti ungakawasusi kucala lamagciwane, ungatfola kugula lokubi. Sidzinga kwenta sicinisekiso kutsi emanti lesiwanatsako ahlobile futsi acwengekile.



Asikhulume

Cocani ngekutsi kungentekani uma sinatsa emanti langcolile. Nyalo-ke buka letitfombe ngentasi. Coca nemngani wakho ngetindlela letehlukene lesingahlobisa ngato emanti.



Faka emaphilisi eklorini emantini.



Bilisa emanti imizuzu lesi-5.



Faka emakhemikhali.



Cenga emanti.





Asikhulume

Nguwaphi emanti wena locabanga kutsi aphephile anganfwa? Faka umbala kulelitfonsi lemanti libe lingangane nawucabanga kutsi kuphephile kuwanatsa.

Emanti emfula



Emanti laphehlwako



Emanti empompi



Emanti latsengwe ngelibhodlela



Emanti elwandle



Emanti labiliswe ngeligedlela



Asente loku

Sebentani ngemacembu nakhe kwecucenga emanti kuwenta ahlobiseke. Lalelisisani lapho thishela wenu achaza loko lokufute nikwente.

Utawudzinga loku lokulandzelako:

Libhodlela lepulasitiki lemalitha

la-2

Sihlabatsi lesicolisakele

Sihlabatsi lesihhayekile

Ematje lamancane/lukhetse

Sikelo

Kotini



Asibhale

Faka tinombolo kuletinyatselo tekwenta sihlengo semanti ngekulandzelana kahle.

	Tsela sihlabatsi lesicolisakele etu kwesigadla sakotini.
	Gucula libhodlela libheke phansi.
	Tsela sihlabatsi semahhedle.
	Ngekucophelela sika kahle lingentasi lelibhodlela lepulasitiki.
	Tsela emanti lamdzaka ebhodleleni.
	Tfululela ematje lamancane noma lukhetse ebhodleleni.



Indlela-mphilo lephilile

Fundza ngalowo nalowo mkhuba lomuhle nalomubi. Uma ucabanga kutsi muhle lomkhuba, faka (✓), kantsi nawucabanga kutsi ngumkhuba lomubi, faka siphambano (✗).

Asifundze

Imikhuba Thishela usita bafundzi kufundza.	Muhle ✓	Mubi ✗
Ngidla kudla lokunemphilo.		
Ngilahla tibi letiphuma emotweni noma etekisini ngelifasitelo.		
Ngigeza tinwele tami njalo nje.		
Ngidla emaswidi lamanyenti.		
Ngigcina tingalo netindlebe tami tihlobile.		
Ngicubha ematinyo ami kanye ngenyanga.		
Ngicobonga tibi ngitilahle emgconyeni wetibi.		
Ngigeza tandla tami emva kwekuya emthoyi.		
Uma ngikhwehlela noma ngitsimula ngibamba ngesandla emlonyeni wami.		
Ngishukumisa umtimba njalo nje.		
Ngigeza tandla embi kwekudla.		
Ngiyatigicikela nje embi kweTV emahora lamadze.		
Ngihlala nalabadzala lababhemako.		



Yakha iphosita ngemkhuba lomuhle noma lomubi.

Asente loku



Asibhale

Cwalinga iphosita yakho. Fundza umusho ngamunye, ubese ufaka buso lobumamatsekako uma lomusho uliciniso, ufake lobudzangele uma lomusho ungasilo liciniso.



Yebo	Cha

Iphosita yami imbalabala futsi ihlobile.

Ngikujabulele kwakha iphosita yami.

Ngikhandze kumatima kwakha iphosita yami.



Phuma

- Ungazuba kufika kuphi? Sebentisa tincu letintsatfu tendophi. Zuba utece. Chubeka uchelanise thelukane umkhatsi ubone kutsi ungazuba kufinyelela kuphi.
- Nyalo-ke, cela babili bangani bakho bajikitise indophi iye le nale wena uzube incatfu kuyo .
- Niketanani ematfuba kuzuba incatfu.



Tidlo letisheshe tonakale naletiphutako



Asikhulume



Cocani ngekudla lokuswela kugcinwa kubandza kukuvimbela ekonakaleni. Ncumani kutsi ngukuphi kudla lokungadzingi kugcinwa kubandza, kodwa lokungabekwa ekhabetheni. Sika sitfombe ngasinye ekhasini lalokujutjwako usinamatsisele efrijini noma ekhabetheni.





Asikhulume

Cocani ngekutsi ngutiphi tindlela lesingavikela ngato kudla etilokataneni letinjengetimphungane netintfutwane.



Teacher: _____
Sign: _____
Date: _____

Emalanga eNkholelo nalamanye lakhetsekile



Asifundze

Bantfu mhlaba wonkhe bagubha tinsuku letikhhetsekile temaholide.
Maholidi mani lotawagubha?

NgaKhisimisi sikhatsi lesitfolo ngaso
tipho. Sibuye siphe bangani betfu
kanye nebemndeni wetfu tipho.
Sinesihlahla saKhisimisi endlini yakitsi.
Sibeka tipho ngaphansi kwesihlahla.
Sihlobise sihlahla sate sabeka
nenkhanyeti etulu. NgaKhisimisi sidla
kudla lokunyenti.



Asisakhoni kumela kufika kweDiwali.
Ngulesikhatsi lapho sitfolo khona
emaswidi lamanyenti kanye netipho
letinyenti. Sigocela emaswidi lamnandzi
kanye nemakhekhe emabhokisini bese
siwapha bantfu labasivakashelako.
Sikhanyisa emalambu lamancane
siwabeke atungelete indlu.





Asisakhoni kumela iHanukkah.
 Sitawuba nekudla lokunyenti sishaye
 sentfwala. Sitsandza kudla emapheni
 khekhe nemadonathi. Natsi
 siyatsandza kutfole tipho. Bomzala
 bayeta kusivakashela. Sonkhe
 siyasita kupheka kudla bese
 sikhanyisa emakhandlela
 endlini yakitsi.



Madvute nje kutawuba yi-Eid.
 Ngiyetsemba sitawutfole tipho letinhle.
 Sitakupha bangani betfo tipho tabo.
 Kutawuba nendathane yemakhekhe
 nemaswidi ekudliwa. Siyati kutsi yi-
 Eid kususela kulokubumbeka kwenyeti.
 Iba ngelusuku lolwehlukile umnyaka
 ngemnyaka.



Asivume ingoma



Hlabela ingoma loyateko
 yanobe nguliphi
 kulamalanga lakhetsekile.



Teacher: _____
 Sign: _____
 Date: _____

Imikhakha yemnyaka



Asikhulume

Buka letitfombe temikhakha lemine. Cocela umngani wakho ngalokubonako esitfombeni ngasinye. Shano kutsi imikhakha lemine yehlukana njani.

Ithemu 2 – Liviki 1 – Lishadi lekusebentela



Ngumuphi umkhakha lowutsandza kakhulukati? _____

Kungani utsandza lomkhakha? _____

Lungawuphi umkhakha lusuku lwakho lwekutsalwa? _____



Asivume ingoma

Kusile, Mnu Langa!

Lusuku lwakho lusandza kucala.

Ngitsandza buso bakho kukhatimula.

Kusile, Mnu Langa.



Mvula, mvula suka la!

Botwana bafuna kudlala.

Buya futsi langa limbe.

Ungaveli nje ngisho langa linye vo.



Teacher: _____

Sign: _____

Date: _____

Imikhakha lemine

Asente loku

Sika titfombe temikhakha yemnyaka ekhasini lelisikwako ngemuva encwadzini. Namatselisa sitfombe ngasinye eceleni kweligama lemkhakha lofanele.



iNhlaba

Kholwane

iNgci

busika

iNyoni

iMphala

Lweti

intfwasahlobo





iNgongoni

Bhimbidwane

iNdlovana


lihlobo

iNdlovulenkulu

Mabasa

iNkhwekhweti

likwindla




Phuma

Cecesha emakhono akho ebhola.

Gcumisa ibhola elubondzeni.

Fola ume ndzawonye usagcumisa ibhola.


Nyalo-ke, gjijima ugcumise lebhola ugege imisebe.



19 Ngemikhakha yemnyaka



Asifundze



Lihlobo

Litulu libalele futsi liyashisa.

Imini yindze kantsi busuku bona bufisha.


Singatiphotisa ngekubhukusha nobe sihlale phansi emtfuntini.

Likwindla

Lipholile.

Emacembe acala kugucuka abe sagolide abuye ahhohloke etihlahleni.

Tinyoni tindizela etindzaweni letifutfumele.



Busika

Liyabandza.

Kuletinye tindzawo kukhitsika mbayiyane nobe sitfwatfwa.

Imini yimfisha kantsi busuku budze.


Letinye tilwane tilala busika bonkhe gonco (tiyahoca).


Intfwasahlobo

Lifutfumele.


Tihlahla ticala kuhluma netimbali tiyabhalasha.

Tinyoni ticala kwakha tidleke titalele emacandza.






Tilimo tekudla lokwehlukene timila ngetikhatsi letehlukene temnyaka.
Bukisisa letilimo tekudla lokumila ehlobo nasebusika.



Kudla kwemkhakha ngamunye



Teacher: _____
 Sign: _____
 Date: _____

Kwembatsela simo selitulu



Asidvwebe

Dvweba umfana nentfombatana. Umfana kufute agcoke tembatfo letifutfumele tebusika kantsi intfombatana kufute igcoke tembatfo letipholile tasehlobo.




Umfana	Intfombatana



Asinyakate

- Beka tihibe phasi esiyilweni nobe udvwebe tindilinga esihlabatsini.
- Uma thishela wakho atsi zuba, zubela endilingeni ngetinyawo timbili.
- Uma thishela wakho atsi zuba, zubela ngephandle kwendilinga ngalunyawo lunye.
- Dlala mkoko.
- Sebentisa siguntu seshoki kudvweba letindilinga netikwele phasi esiyilweni.





Asikhulume

Cocela umngani wakho kutsi ngutiphi timphahla lesitigcoka kulowo nalowo mkhakha. Ngutiphi timphahla wena lotsandza kutigcoka?

Dvweba umugca kusuka enchazelweni yekwekwembatsa lesikugcokako kuya eluhlotjeni lwesimo selitulu.

Asibhale



Kwembatsela simo selitulu

Uma libalele kufanele sembatsele kutivikela elangeni.



Uma lifutfumele kumele sembatse kwekwembatsa lokupholile.



Uma kubandza ngaphandle sidzinga kugcoka kwekwembatsa kwensotfo lokufutfumele.



Ngemalanga lanemvula sidzinga lijazi lemvula nesambulelo.



Umtselela wemikhakha yemnyaka



Asifundze



Intfwasahlobo

Entfwasahlobo tihlahla ticala kuhluma.

Sibona tinyoni netinyosi letinyentana kanye netimbali nemacembe lamasha.

Tinyoni takha tilulu titalele nemacandza.

Bafuyi bagundza timvu.

Lihlobo

Ehlobo balimi bakha titselo tabo. Bantfwana betilwane banemlandla kakhulu.

Etindzaweni letinyenti lina kakhulu kube nekudvuma lokubi nemibane.

Tjani, emavungu netimbali kukhula kakhulu, tihlahla nato tikhula tibe tindze.





Likwindla

Letinye tilwane tilondza kudla kwato tisalungisela kulala busika bonkhe gonco.

Emacembe etihlahla acala kugucuka abe mtfubi, bubendze, bovu noma abe liphuti.

Tjani bucala kuba bubendze.



Busika

Letinye tilwane tilala busika bonkhe gonco. Sitsi tiyahoca.

Tiyafutfumala ngoba tikhumba tato tiba neboya lobunyenti.



Asibhale

Ngabe tentani letinye tilwane busika bonkhe gonco? _____

Ngabe titivikela kanjani letinye tilwane emakhateni? _____

Tibuya nini tinyoni emaveni lafutfumele kucala titalele? _____



Kutjala sihlahla selibhontjisi



Asente loku

Udzinga

- 5 emabhontjisi
- limfomfo lakotini
- lisoso
- emanti



Lotakwenta

Beka emabhontjisi kulelimfomfo lakotini esosweni.
 Kugcine kumanti. Beka lisoso entsendzeni yelifasitelo elangeni.
 Gadza libhontjisi emavikini lamabili kusuka manje. Bona kutsi likhula njani.



Buka lesitfombe salesilimo selibhontjisi.
 Uma silimo sakho sibukeka njengalesi gwalisa lusuku.

_____	_____	_____	_____
Lusuku	Lusuku	Lusuku	Lusuku
			



Asente loku

Yentani umdlalo ngesilwane.

Ungabonisa libhele noma livondvo licokelela kudla kwasebusika.



Phuma

Nyibilika phasi esiyilweni
njengenyoka ifuna indzawo lenhle
yekuhocela kuyo.

Ndiza njengenkongane iya
endzaweni lefutumele.



Teacher:

Sign:

Date:

Tilwane telipulazi

Asivume ingoma

Buka lesitfombe ucoce ngetilwane letehlukene telipulazi lotibonako.
Ngusiphi silwane lesiyintsandvokati kuwe?
Yini lesiyitfolo esilwaneni ngasinye kuleti?

Ithemu 2 – Liviki 4 – Lishadi lekusebentela





Asibhale

Gwalisa timphendvulo letifanele kulelithebula. Kwekucala sesikwentele.

	Lendvuna	Siwewe
	Lensikati	Imbutikati
	Lencane	Lizinyane
	Kukhala	Mm_e_e_
	Indzawo yekuhlala	Sibaya

	Lendvuna	
	Lensikati	
	Lencane	
	Kukhala	
	Indzawo yekuhlala	

	Lendvula	
	Lensikati	
	Lencane	
	Kukhala	
	Indzawo yekuhlala	

	Lendvuna	
	Lensikati	
	Lencane	
	Kukhala	
	Indzawo yekuhlala	



Epulazini



Asivume ingoma



Mkhulu Madevu ungumfuyi

Hhiya hhiya hho

Mkhulu Madevu ufuye tinkhomo

Tibhonsa mo-o mo-o la; titsi mo-o mo-o nale

Tibhonsa mo-o, le titsi mo-o, siganga

sonkhe mo-o mo-o

Mkhulu Madevu
ungumfuyi


Hhiya hhiya hho





Asivume ingoma


Chubeka uhlabele lengoma. Esikhundleni semigca lengenkomo sebentisa letilwane.



Epulazini unetinja.



Epulazini unemadada.




Epulazini unemahhashi.



Phuma

- Hamba ngemsebe ngaphandle kwekuwa.
- Jika ibhola emoyeni uyibambe ngaphandle kwekuwa.
- Ubese ugadvula njengelihhashi.
- Bhadzatela njengelidada.
- Hamba njengerobhothi.



Teacher: _____
 Sign: _____
 Date: _____

Tilwane tasendle



Asifundze



Emabhubezi ayincenye yemndeni wemakati. Libhubezi libonakala njengenkhosi yembuso wakalwane. Ayatingela abulale tilwane letifana netimpunzi nemadvuba. Lawo lamasikati ngiwo latingela kakhulu. Atingela ebusuku nangemabutfo. Emabhubezi anconota kuhlala ematsafeni lavulekile. Emabhubezi angabhodla bekuhlokome tiganga.




Tindlovu titilwane letimunyisako letinkhulukati kuletiphila emhlabatsini. Tisengotini malanga onkhe ngoba bacwiyi batitingela njalo ngekufuna tiphondvo-tsambo tato. Tindlovu tikhula imphilo yato yonkhe. Tindlovu tisebentisa imiboko yato kusiphula timphandze, titselo nemanti kungene emlonyeni wato. Tidla kufike ku 200 kg ekudla ngelilanga tibuye tinatse 190 emalitha emanti.

Ithemu 2 – Liviki 5 – Lishadi lekusebentela




Kunetinhlobo letimbili tabobhejane – bhejane lomnyama nabhejane lomhlophe. Bobhejane kababoni kahle, kodvwa banelikhala lelikhona kuhosha nalokukhashane kabi. Bobhejane bakhulu kakhulu bangaba nesisindvo lesingema 2 500 kg. Bobhejane bavamise kutingelwa bacwiyi nebatingeli labafuna timphondvo tabo. Sidzinga kuvikela bobhejane kubatingeli labababulalako kutfola timphondvo tabo.



Ingwe lese icocodzele ingakhula ifike ku 2 m budze. Sikhumbaboya sayo sibubenze kancane nje nemabala lamnyama latindilinga. Ingwe iyakhona kucanca kahle nje futsi kayinankinga kutingela etihlahleni.



Inyatsi iphila emhlanjini. Uma kunengoti, tinkhomati takhona nematfole kuyabutsana kume emkhatsini kutungeletwe tinkunzi kute tivikeleke. Letinye tinyatsi tingakhula tite tifike ku 1,7 m budze.



26 Tibhaca kanjani tilwane

Ithemu 2 – Liviki 5 – Lishadi lekusebentela



Asifundze



Letinye tilwane titivikela ngekugucula indlela

letibukeka ngayo kute tifanane nendzawo

letikuyo. Lunwabu lungatigucula umbala kute


lufane netihlahla loluticancako. Imidvwa

yelidvube yenta kube lukhuni kutsi libonakale

lidvuba evungwini. Loku sitsi siphambamehlo.

Ase ucabange ngaletinye nje tilwane


letisebentisa siphambamehlo.



Asitjabulise



Thishela wkaho
utakukhombisa kutsi niyidlala
njani ingoma situlo.






A sente loku

Dvweba silwane sasendle.


Chubeka ucocele umngani wakho kutsi lesilwane sitifihla njani kuphamba emehlo.



Teacher: _____
Sign: _____
Date: _____


Tilwane temanti

Ithemu 2 – Liviki 6 – Lishadi le kusebentela



Asente loku

Cedzela letitfombe ngekwengeta imidvwebo nobe
titfombe tetilwane letihlala emfuleni.




Tidalwa tasemajukujukwini




Asikhulume

Ase sibuke tonkhe tinhlobo letehlukene tetilwane letihlala emantini laneluswayi.



Kubuye kube khona tilwanyana letincane, letihlala eticojeni temadvwala letingashoni.



Ithemu 2 – Liviki b – Lishadi lekusebentela

Teacher:

Sign:

Date:


Buciko betilwane



Asikhulume

Cocani ngato tonkhe tilwane telwandle letikuletifombe.

- Ngutiphi kulettilwane telwandle letingadliwa bantfu?
- Ngutiphi tilwane telwandle letiyingoti?
- Ngabe umtimba wenhlanti wembonywe wabuye wavikelwa yini?
- Ngutiphi tindlela letehlukene letingangcolisa lwandle.
- Wena ucabanga kutsi kungentekani uma lwandle lungangcoliseka lube nemfucuta kumbe tibi letinashevu?



Asibhale

Bhala emagama etilwane longaticabanga letihlala emfuleni, emadanyini kumbe elwandle kuletibaya letintsatfu telithebula.


Umfula	Lwandle	Lidamu



Asente loku



Yenta lakakho lithange letinhlanti.

- Penda lingekhatsi lelibhokisi lesicatfulo libe lingangane-saluhlata bese ulilalisa ngemhlubulo.
- Chubeka usike inhlanti ngemuva encwadzini.
- Namatselisa inhlanti etulu nelibhokisi usebentisa ithephu lenamatselako nelucu.



Phuma


- Ndiza njengenyoni ngesivinini lesisetulu nalesiphasi.
- Bhadzatela njengephengwini.
- Ndiza njengenyosi.
- Hamba njengenkhalala.
- Ntjwiza njengenhlangeni.
- Zuba njengesicoco.
- Dlalani landzela-umholi.
- Dlalani likati-neligundwane.



Tilwane letetfwala emakhaya ato nomaphi



Asifundze



Bewati nje? Ngingena ngenele kahle egobongweni lami, aluke nje lungimpintje.

Lufudvu

Lufudvu silwane sakabonyoka lesinemilente lemine lemahhedlehedle nentsamo nenhloko leshwaphene. Luhamba kancane neligobongo lalo lendlu emhlane.

Tihlalaphi letilwane?




Ngihlala elwandle.



Ngihlala emantini lacwengekile emateteni.



Lufudvu: Ngihlala emhlabeni.



Asibhale

Phendvula lemibuto ngelufudvu loluphila emhlabeni.

Ngabe ligobongo lelufudvu lilukhuni nobe litsambile? _____

Ngabe ligobongo lelufudvu liluvikela kuphi? _____

Lwentani lufudvu nalwetfukile? _____

Lufudvu kodwa ludla kudla kuni? _____

Umnenkhe

Liso

Ligobongo

Buka ligobongo
lemnenkhe.

Luphondvo-miva loludze

Luphondvo-miva lolufisha

Lunyawo

Sikhala sekuphefumula

Uhamba njani umnenkhe? _____

Sewake walitfola ligobongo lemnenkhe lelite lutfo?

Ucabanga kutsi washonaphi umnenkhe? _____


Unjani umbala wemagobongo emnenkhe? _____

Ucabanga kutsi kungani iminenkhe inemagobongo? _____



Asibhale

Ucabanga kutsi ngihlalaphi? Edvute nesitfombe sami, bhala kutsi likhaya lami ngingalakha **esihlahleni**, yini nobe **emhlabeni** kumbe **emantini**.



Teacher: _____
 Sign: _____
 Date: _____

Tilwane letitakhela tindlu

Asente loku

Condzanisa letitfombe taletilwane kanye nemakhaya ato.




Asifundze

Tinyosi

Tinyosi tihlala emhhomeni wetinyosi.

Takha imihhome yato ngalokusamtfofu.

Tigcina kudla kwato emihhomeni yato.



Tintfutwane

Tintfutwane takha imipheme leyehlukene endzaweni yato. Intfutwane lencane ingetfwala umtfwalo lomkhulu lowesindza ngalokuphindvwe kane kunayo. Tintfutwane tiyakhona kuchumana ngenkhulumo. Tiyecwayisana nakunengoti, futsi titjelane kutsi kudla kungakuphi.



Asibhale

Ucabanga kutsi kungani tintfutwane titakhela imipheme? _____

Ngubani sitsa lesikhulu sentfutwane? _____

Tiyakha ngani imipheme yato tintfutwane? _____



Asifundze

Tinyoni


Tinyoni takha tidleke tibe yimipheme khona titokuba nendzawo lephephile yekubeka emacandza ato. Bukhulu besidleke buya ngebukhulu benyoni. Tisebentisani tinyoni kwakha tidleke tato?




Ngusiphi silwane lesisitsa senyoni? _____



A a			M m
B b			N n
C c			O o
D d			P p
E e			Q q
F f			R r
G g			S s
H h			T t
I i			U u
J j			V v
K k			W w
L l			X-Z x-z









A blank sheet of lined paper with a red margin line on the left and blue horizontal lines for writing. The page is otherwise empty.



A blank sheet of lined paper with a red vertical margin line on the left side and horizontal blue lines for writing. The page is otherwise empty.

P.29



P.19

